



UNIVERSITÄTS-
BIBLIOTHEK
PADERBORN

Universitätsbibliothek Paderborn

Lignvm Vitae, Ornamentum, & Decus Ecclesiae

In Qvinqve Libros Divisvm. In quibus, Totius Sanctiss. Religionis Divi Benedicti initia; Viri Dignitate, Doctrina, Sanctitate, ac Principatu clari describuntur: & Fructus qui per eos S. R. E. accesserunt, fuissimè explicantur

Wion, Arnold

Venetiis, 1595

Monachi Ordinis S. Benedicti Nigrorum, qui permissione tantum Cardinalitia fungebantur dignitate. cap. XII.

urn:nbn:de:hbz:466:1-38372

Cardinales Oblati facti sub Ordine S. Benedicti.

Cap. X.

VDOVICVS de Flisco, Genuensis, ab Urbano Papa VI. in tertia creatione, anno Domini 1381. Pontificatus sui 4. mense Decēbri Romæ, S. R. E. Diaconus Cardinalis, Tituli S. Hadriani pronunciat, deinde Archidiaconus: sub annum tandem Christi, 1421. factus est Oblatus in Monte Casino, & Congregationi Casinensi sociatus, biennio post obiit Romæ, die tertio Nonas Aprilis, anno 1423. Pontificatus Martini Papæ V. anno sexto; ac Genuam translatus auito monumento sepultus est. *Ex archiuo Casinensi.*

Monachi Ordinis S. Benedicti Nigrorum, qui permissione tantum Cardinalitia fungebantur dignitate.

Cap. XI.

DOARDVS, Philippi Pedemontium Principis filius, Monachus Ordinis sancti Benedicti, non alicuius dignitatis, sed pietatis solius gratia, deinde Prior Burgeti, mox Secusæ Abbas; inde Sedunensis, & Bellicensis Episcopus, postmodum Archiepiscopus Tharentasiensis, postremò S. R. E. Cardinalis, saltem permissione, nam uti Cardinalitio Galero donatus est. Obijt anno 1390. mense Februarij, Musterij sepultus. In cuius funere orauit Sauinus Florianus Episcopus Maurianensis doctissimus. *Philibertus Pingonius in Arbore Sabaudica, gradu 22.*

Abbatibus Monasterij Sanctorum Apostolorum Petri & Pauli Cluniacensis, ex cōcessione Calixti Papæ II. quotiescunque Romam accedebant officio Cardinalis fungebatur, ut prodit Chronicon Cluniacense in hac verba. *Eadem verò die (videlicet qua Canonizatus S. Hugo Abbas) communium suorum assidentium assensu, largitus est Felix Papa Calixtus Cluniacensi Ecclesie, speciali & propriè sua, ut Abbas Cluniacensis semper & vbique Romam fungatur officio Cardinalis, manūq; propria ipse Poncium anulo suo inuestiuit.*

Abba-

Abbatē quoque Monasterii Sanctæ Trinitatis de Vendomo in Gallia, eodem privilegio, sed paulò ampliori, gaudebant, adiectus enim erat ad dignitatem, & Titulus S. Praxedis perpetuus, & ut primum quis creabatur Abbas, sine aliqua alia Pontificis ratificatione, Cardinalis Sanctæ Praxedis esse censebatur; ut testatum nobis reliquit Franciscus Belforestius tomo 1. suæ Cosmographiæ, qui etiam nonnulla decreta, & diplomata summorum Pontificum de hac readfert.

De Cardinalibus qui Monachi fuisse feruntur, dubia tamen fide. Cap. XII.

SERGIVS, Tiberius filius Antiochenus Syrus, Panormi in Sicilia ortus, ex Monacho S.R.E. Presbyter Cardinalis T. S. Sufannæ ad duas domos a Cunone PP. factus, deinde Papa Sergius I. *Bugianus & Illescas.*

S. Gregorius, Ioannis filius, Syrus, ex Monacho S.R.E. Presbyter Cardinalis, deinde Papa Gregorius II. *Bugianus & Plata.*

S. Leo, Azuppj filius, Romanus, ex Monacho S.R.E. Presbyter Cardinalis T. S. Sufannæ; & post modum, Leo Papa III. *Bugianus.*

S. Valentinus, Leontij filius Romanus, ex Monacho S. R. E. Archidiaconus Cardinalis, a Papa Paschali factus, deinde Papa Valentinus. *Bugianus & Illescas.*

D. Albertus, Samnis, Beneventanus, familia de Mora, ex Monacho S.R.E. Diaconus Card. T. S. Sufannæ, mox Presbyter S. Laurentij in Lucina, deinde Cancellarius: postremo Papa Gregorius VIII. *Bugianus.*